

Na osnovu člana 2. 12. Izbornog zakona Bosne i Hercegovine («Službeni glasnik Bosne i Hercegovine», broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 07/14 i 31/16, 41/20, 38/22, 51/22, 67/22 i 24/24), člana 7. stav 1. točka a) Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik Bosne i Hercegovine“ broj: 31/24 i 85/24), člana 32. Statuta Općine Velika Kladuša („Službeni glasnik Općine Velika Kladuša“, broj: 12/11 ) i u skladu sa članom 72. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 12/11, 4/21, 9/24 i 2/25), Općinsko vijeće Općine Velika Kladuša na XIX redovnoj sjednici, održanoj 23.04.2026. godine, donijelo je

**ODLUKU**  
**o raspisivanju Javnog oglasa za imenovanje**  
**člana Općinske izborne komisije Velika Kladuša**

**Član 1.**

Raspisuje se Javni oglas za imenovanje člana Općinske izborne komisije Općinskog vijeća Općine Velika Kladuša.

**Član 2.**

Javni oglas iz prethodnog člana ove Odluke objavit će se u najmanje jednom dnevnom listu koji izlazi na području Bosne i Hercegovine, na zvaničnoj web stranici i oglasnoj tabli Općine Velika Kladuša.

**Član 3.**

Postupak Javnog oglasa će provesti Komisija za provođenje postupka po javnom oglasu (u daljem tekstu: konkursna komisija) koju je imenovalo Općinsko vijeće Općine Velika Kladuša.

**Član 4.**

Konkursna komisija će utvrditi listu kandidata za člana Općinske izborne komisije i istu dostaviti na nadležno postupanje Općinskom vijeću Općine Velika Kladuša.

**Član 5.**

Sastavni dio ove Odluke je tekst Javnog oglasa koji će se objaviti na način utvrđen u članu 2. Odluke.

**Član 6.**

Ova Odluka stupa na snagu danom objavljivanja u «Službenom glasniku Općine Velika Kladuša».

**OPĆINA VELIKA KLADUŠA**  
**OPĆINSKO VIJEĆE**

**PREDSJEDAVALAČI**  
**OPĆINSKOG VIJEĆA**  
**Asim Veladžić**

**Broj: 01-04-197/26**  
**Velika Kladuša, 23.04.2026. godine**

Na osnovu člana 32. Statuta Općine Velika Kladuša („Službeni glasnik Općine Velika Kladuša“, broj: 12/11) i u skladu sa članom 1. i 2. Odluke o raspisivanju Javnog oglasa za imenovanje člana Općinske izborne komisije Velika Kladuša („Službeni glasnik Općine Velika Kladuša“, broj:5/26), Općinsko vijeće Općine Velika Kladuša, raspisuje

**JAVNI OGLAS**  
**za imenovanje člana Općinske izborne komisije**  
**Velika Kladuša**

**I**

Raspisuje se Javni oglas za imenovanje člana Općinske izborne komisije Velika Kladuša.

Kandidat za člana Općinske izborne komisije mora ispunjavati sljedeće opće uslove sukladno odredbi člana 2.2. Izbornog zakona Bosne i Hercegovine („Službeni glasnik Bosne i Hercegovine“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16, 41/20, 38/22, 51/22, 67/22 i 24/24):

1. da je lice sa pravom glasa
2. da je lice sa odgovarajućom stručnom spremom i iskustvom u provedbi izbora.

Prijavljeni kandidati pored gore navedenih općih uvjeta propisanih zakonom i Upustom o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik Bosne i Hercegovine“ broj: 31/24 i 85/24) moraju ispunjavati i posebne uvjete za člana izborne komisije, a koje dokazuju dostavljanjem slijedećih dokumenata (**original ili ovjerene kopije**):

- dokaz o prijavljenom prebivalištu na području Općine Velika Kladuša – Obrazac PBA-3 ne stariji od 3 mjeseca od dana izdavanja od strane nadležnog organa, (kao izuzetno i osobe sa prebivalištem iz druge Općine, ukoliko nema kandidata sa prebivalištem u općini za koju se imenuje izborna komisija, koji ispunjavaju uslove tražene javnim oglasom),
- diplomu o završenom fakultetu, VII/1 stepen stručne spreme ili završenom fakultetu bolonjskog sistema studiranja sa najmanje 180 ETCS, (kao izuzetno i osobe koje imaju završenu srednju/višu školu, odnosno IV/V/VI stepen stručne spreme ako je potrebno ispoštovati odredbe člana 2.14 stav (1) Izbornog zakona BiH, ili ukoliko nema kandidata sa završenim fakultetom, VII/1 stepenom stručne spreme, ili završenim fakultetom bolonjskog sistema studiranja sa najmanje 180 ETCS),
- dokaz o iskustvu u provođenju izbora (članstvo u izbornoj komisiji, članstvo u biračkom odboru na izborima obuhvaćenim Izbornim zakonom Bosne i Hercegovine, obavljanje dužnosti sekretara izborne komisije, obavljanje poslova službenika centra za birački spisak, obavljanje poslova kontrolora izbornih rezultata, obavljanje rukovodnih dužnosti u Glavnom centru za brojanje – direktor i zamjenik direktora i obavljanje poslova državnog službenika ili zaposlenika u Sekretarijatu Centralne izborne komisije BiH na poslovima koji su vezani za provedbu izbornog procesa u trajanju dužem od jedne godine),

- Izjavu imenovanog člana izborne komisije da nije obuhvaćen odredbama člana 2.3 Izbornog zakona Bosne i Hercegovine, svojeručno potpisanu i ovjerenu od strane nadležnog organa.
- Svojeručno potpisana i od nadležnog organa ovjerena Izjava o nacionalnom izjašnjenju kandidata sa posljednjeg popisa stanovništva u Bosni i Hercegovini.

Članove Općinske izborne komisije Općine Velika Kladuša imenuje Općinsko vijeće na period od 7 (sedam) godina, a isti počinje teći od dana dobijanja saglasnosti na imenovanje od Centralne izborne komisije Bosne i Hercegovine.

Sastav Općinske izborne komisije u skladu sa mogućnostima i strukturom prijavljenih kandidata treba odražavati strukturu stanovništva Općine Velika Kladuša prema posljednjem popisu stanovništva.

U sastavu Općinske izborne komisije nastojat će se osigurati zastupljenost spolova u skladu sa Zakonom o ravnopravnosti spolova u Bosni i Hercegovini.

## II

Javni oglas za imenovanje člana Općinske izborne komisije Velika Kladuša ostaje otvoren 8 (osam) dana od dana objavljivanja u dnevnom listu „Oslobođenje“.

Pismene prijave zainteresirani kandidati sa dokazima o ispunjavanju uslova iz Javnog oglasa podnose predsjedavajućem Općinskog vijeća Općine Velika Kladuša neposredno putem Centra za pružanje usluga građanima Općine Velika Kladuša na adresu: „Općina Velika Kladuša, Ulica Hamdije Pozderca, broj 3, Velika Kladuša, 77230, sa naznakom „Prijava na oglas za imenovanje člana Općinske izborne komisije Velika Kladuša – ne otvarati“.

**Obrazac prijave na javni oglas (koja je sastavni dio ovog javnog oglasa) kao i izjave o nacionalnom izjašnjenju i da nije obuhvaćen odredbama člana 2.3 Izbornog zakona Bosne i Hercegovine zainteresirani kandidati mogu preuzeti u zgradi Općine Velika Kladuša, Ulica Hamdije Pozderca, broj 3, na info pultu Centra za pružanje usluga građanima (šalter sala).**

Nakon isteka roka od 8 (osam) dana i zatvaranja Javnog oglasa Predsjedavajući Općinskog vijeća Općine Velika Kladuša će u skladu sa odredbama Upustva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik Bosne i Hercegovine“ broj: 31/24 i 85/24) i Odluke o raspisivanju Javnog oglasa za imenovanje člana Općinske izborne komisije Velika Kladuša, zadužiti Komisiju za provođenje postupka po javnom oglasu (u daljem tekstu: konkursnu komisiju), da provede proceduru utvrđivanja liste kandidata za članove Općinske izborne komisije i istu dostavi Općinskom vijeću na nadležno postupanje.

## III

Javni oglas za imenovanje člana Općinske izborne komisije Velika Kladuša bit će objavljen u dnevnom listu „Oslobođenje“, na zvaničnoj web stranici Općine Velika Kladuša i oglasnoj tabli Općine Velika Kladuša.

**PREDSJEDAVALAČI  
OPĆINSKOG VIJEĆA  
Asim Veladžić**

\_\_\_\_\_  
(Ime i prezime kandidata)

\_\_\_\_\_  
(adresa stanovanja)

OPĆINA VELIKA KLADUŠA  
Ulica Hamdije Pozderca, broj 3,  
VELIKA KLADUŠA, 77230  
n/r predsjedavajućeg  
Općinskog vijeća

**PREDMET:** Prijava na Javni oglas za imenovanje člana Općinske izborne komisije  
Općine Velika Kladuša

U ostavljenom roku prijavljujem se na Javni oglas za imenovanje člana Općinske  
izborne komisije Općine Velika Kladuša objavljen u \_\_\_\_\_, dana \_\_\_\_\_  
2026. godine, i o sebi dajem slijedeće podatke:

Rođen-a \_\_\_\_\_ godine u \_\_\_\_\_, Općina \_\_\_\_\_,  
Sa završenim stepenom stručne spreme \_\_\_\_\_, zanimanje \_\_\_\_\_,  
trenutno zaposlen-a u \_\_\_\_\_ na radnom mjestu \_\_\_\_\_.

Ostali biografski podaci:

\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_

**PRILOG:**

1. \_\_\_\_\_,
2. \_\_\_\_\_,
3. \_\_\_\_\_,
4. \_\_\_\_\_,
5. \_\_\_\_\_.

\_\_\_\_\_  
Podnosilac prijave

U Velikoj Kladuši, \_\_\_\_\_ godine.